

# Халқ сўзи

Ўзбекистон —  
келажаги  
буюк  
давлат

1991 йил 1 январдан чиқа бошлаган ● E-mail: info@xs.uz ● 2006 йил 21 январь, № 14 (3813) ● Шанба


## ҲАМКОРЛИК КЎЛАМИ КЕНГАЙМОҚДА

Ўзбекистон Республикаси Президенти Ислам Каримов 20 январь куни Оқсаройда Россиянинг "Газпром" очик акционерлик жамияти бошқаруви раиси Алексей Миллерни қабул қилди.

Мамлакатимиз раҳбари "Газпром" билан ҳамкорлик кўлами йилдан-йил кенгайиб бораётганини таъкидлади.

Ўзбекистон билан Россия ўртасидаги иқтисодий муносабатларнинг муҳим бўлишини таъкидлади. 2002 йилда "Ўзбекнефтегаз" миллий холдинг компанияси билан "Газпром" ўртасида газ соҳасида стратегик ҳамкорлик тўғрисидаги битим имзоланган. У 2012 йилгача бўлган даврда Ўзбекистонга газ таъминоти, юртимиздаги газ конларини ўзлаштиришда иштирок этиш, газ-транспорт инфратузилмасини ривожлантириш, Ўрта Осиё газини мамлакатимиз ҳудуди орқали ташишни назарда тутди.

Ҳужжатга мувофиқ 2004 йилнинг 14 апрелида "Ўзбекнефтегаз" билан "Газпром"га қарашли "Зарубежнефтегаз" ёпиқ акционерлик жамияти ўртасида Шохлахта конини ўзлаштиришни яқинда етказиш лойиҳаси бўйича Махсуслот тақсимоти тўғрисидаги битимга имзо чекилди. Амак қилиш мuddати 15 йилга мўлжалланган бу ҳужжатга биноан, 2007 йилгача ана шу мақсадга 15 миллион АҚШ доллари миқдорда тўғридан-тўғри сармоя йўналтирилади.



Келишувда кўзда тутилганидек, 2004 йилнинг иккинчи ярмида кондан газ олиш қайта йўлга қўйилди, компрессор станциясининг қурилиши ва инфратузилмани янгилаш ишлари тугалланди. Бунинг натижасида 2004 йилда 200 миллион, 2005 йилда қарий 500 миллион куб метр газ қазиб олинди.

Стратегик ҳамкорлик битимига мувофиқ 2004 йилда Ўзбекистондан Россияга 7 миллиард куб метр газ экспорт қилинди.

"Газпром" Ўзбекистон ҳудудидан ўтувчи "Ўрта Осиё — Марказ" магистрал қувурини таъмирлашда ҳам қатнашади. Унинг Ўзбекистонга киритадиган қувури 1,5 миллиард АҚШ доллари ошади.

"Газпром" жаҳондаги йирик компаниялардан биридир. Дунёда қазиб олинадиган газнинг 20 фоизи, Россия газининг 94 фоизи унинг ҳиссасига тўғри келади. "Газпром" газ, нефть ва конденсатлар қазиб олиш ва қайта ишлаш, техника ва саноат маҳсулотлари, қурилиш материаллари, халқ истеъмоли моллари ишлаб чиқариш билан шуғулланувчи ўнлаб корхона ва компанияларни бирлаштирган.

Бундай йирик компания билан ҳамкорлик қилиш Ўзбекистон учун ҳар томонлама фойдалидир. Ўзбекистон билан ҳамкорликни янада кенгайтиришдан "Газпром" ҳам манфаатдор. Компания мамлакатимизда газ қазиб олиш ва газ савдоси ҳажмини ошириш, соҳага сармоя жалб этиш, газ саноатидаги хусусийлаштириш жараёнида янада кенг иштирок этиш ниятида.

Оқсаройдаги учрашувда "Ўзбекнефтегаз" билан "Газпром" ўртасидаги ҳамкорлик Ўзбекистонга газ саноатини ривожлантиришда муҳим ўрин тутаятгани таъкидланди. А.Миллер самимий қабул учун Президентимизга миннатдорлик билдирди.

Суҳбат чоғида янги лойиҳаларни ишлаб чиқиш ва амалга оширишга оид масалалар юзасидан фикр алмашилди.

(Ў.А.)

СУРАТДА: қабул пайти. Абдувоҳид ТўРАЕВ олган сурат.

Вилоят ҳокимларининг ўринбосарлари, шаҳар ва туман ҳокимларининг ўқув-семинарларини минтақаларда ташкил этиш кейинги вақтда аъёнага айланди. Қарши шаҳрида ташкил этилган ўқув-семинар машғулотида асосий эътибор Президентимизнинг ўтган йили Олий Мажлис Қонунчилик палатаси ва Сенатининг қўшма мажлисидаги маърузаси, Оқсарой қароргоҳида Вазирилар Маҳкамасининг янги таркиби билан ўтказилган йилги ишдаги нутқи ҳамда Ўзбекистон Республикаси Конституциясининг 13 йиллигига бағишланган тантанали маросимдаги маърузасининг мазмун-моҳиятини ўрганиш, улардан келиб чиқадиган вазифаларга қаратилмоқда.

## ҲАР ЖИҲАТДАН ҲОЙДАЛИ МАШҒУЛОТЛАР

Шуни алоҳида таъкидлаш лозимки, буғалги семинар-тренинг мазмун-моҳияти ва ташкилий жиҳатдан ҳам ўтган йиллардагидан мутлақо фарқ қилади. Яъни, машғулоти фақат узундан-узқоқ лекциялар тинглаш шаклида эмас, фикр алмашиш, очик мулоқот, мунозара ва давра суҳбатлари шаклидаги компьютер технологияларидан кенг фойдаланган ҳолда олиб борилмоқда. Ушбу жараёнда ишловчи муаммоларни бартараф этиш масалалари ҳам очик муҳокама этилаётган.

самарасини бермоқда.

Ўн кун давом этадиган семинар-мунозарада Президентимизнинг давлатий маърузаларидан келиб чиқадиган муҳим йўналишлар билан боғлиқ эллика яқин мавзудаги масалаларга алоҳида эътибор қаратилади. Ўқув якунига қўра, барча мавзуларнинг презентацион материаллари, "Norma" ҳуқуқий маълумотлар базаси электрон кўрсаткичида компакт дискларга жойлаштирилади, барча қатнашчиларга амалиётда фойдаланиш учун берилади. Масалан, мамлакатни демократлаштиришни чуқурлаштириш ва фуқаролик жамияти барпо этиш йўлидаги, иқтисодиётнинг ислоҳ қилиш ва эркинлаштиришнинг долзарб вазифалари, аграр тармоқдаги ҳамда ижтимоий соҳадаги янгилишлар билан боғлиқ масалаларда бу маълумот базаларидан кенг фойдаланиш имкони яратилади.

Семинар натижасида туман ҳокимлари ишловчиларни замонавий ахборот технологияларидан кенг фойдаланган ҳолда олиб бориш усулларини ўрганадилар. Шунингдек, семинар иштирокчиларини Қарши шаҳрининг 2700 йиллиги муносабати билан шаҳарда қилинаётган улкан бунёдкорлик ишлари, хусусан, янги қурилган объектлар билан таништириш ҳам режалаштирилди.

Семинар-ўқувнинг очилишида Ўзбекистон Бош вазирининг ўринбосари А.Орипов, Қашқадар вилояти ҳокими Н.Зайниев иштирок этиди.

А.МУҲАММАДИЕВ,  
Ў.А. мухбири.

САМАРҚАНД. (Ў.А. мухбири) Акбар ҚАРШИЕВ).

Муштақиллик йилларида юртимизда амалга оширилаётган кенг кўламли ишловчилар, юз бераётган ўзгаришлар жараёни барчадан, хусусан, раҳбар ходимлардан чуқур билим ва тажрибага, юксак маънавиятга эга бўлишни, агардаги воқеа-ҳодисалар моҳиятини тез ва тўғри англай олишни, бунинг учун эса ўз устида жиддий ишлашни талаб этади.

Шу боис мамлакатимизда ҳар йилнинг бошида раҳбар ходимларнинг минтақавий ўқув машғулотларини ўтказиб бориш аъёнага айланган.

Самарқанд, Бухоро, Навоий вилоятлари ҳокимлари ўринбосарлари ҳамда туман ҳокимларининг ўн кун

лик ўқуви бошланди. "Давра суҳбати" тарзида ўтаётган семинар-мунозараларда тингловчилар ишловчиларни чуқурлаштириш, юзга келаётган муаммоларни тезроқ бартараф этиш, кичик бизнес ва хусусий тадбиркорликни ривожлантириш истиқболлари, суд ислоҳоти, ер ресурсларидан фойдаланиш масалаларига бағишланган маърузалар тинглайдилар. Ўзаро тажриба алмашадилар. Семинар-кенгаш давомида таниқли олимлар, мутахассислар иштирокида амалий машғулотлар ўтказилади.

Тадбир иштирокчилари машғулотида сўнгги дамухусусан тест синовлари топширадилар. Семинар-кенгашнинг очилишида Самарқанд вилояти ҳокими М.Нурмуродов иштирок этиди.

## ҲАМЖИҲАТЛИК

коммунал тўловларни ўз вақтида амалга оширишда самара бермоқда

Вилоят ҳокимининг фармойиши билан Наманганда ҳар ойнинг 10-11 ва 20-21 саналари «Коммунал тўловлар кунини», деб эълон қилинди. Маҳаллий ўзини-ўзи бошқариш идораларини кенг жалб этган ҳолда ўтказилаётган бу тадбир кейинги пайтларда аҳолига кўрсатилган хизматлар бўйича кўтарилиб кетган дебитор қарзларни камайтиришда қўл келаяпти.

Наманган шаҳридаги «Гўзал» маҳалласи вилоятда биринчилардан бўлиб фойдаланилган табиий газ, электр энергияси ва ичимлик суви бўйича тўловлар мунтазамлигига эришди. Йилнинг худудида истиқомат қилаётган 274 хонадон соҳиблари билан тез-тез ўтказилаётган суҳбатларнинг аксариятида истеъмолчи ўз бурчининг вақтида баҳариши орқалигина таъминотчилар хизмат сифатини яхшилаш лозимлиги ҳақида гап боради. Маҳалла фаоллари янги ойнинг биринчи ҳафтаси ўтмай туриб, зиммасидаги тўловлардан соқит бўлаётган интизомли фуқароларни хамиша кўпчиликка ибрат қилиб кўрсатишди. Раҳматилла ота Содиков хонадонда, масалан, ана шундай тартиб ўрнатилган. У киши нафақасини олиши билан қўлдан кўчирган банк филиалига йўл олади.

«Ҳақини тўлаб қўйгангина хизматлар сифатини талаб қила олишим мумкин», дейди у киши. Эндиликда истеъмолчиларга қўшимча қўлайлик яратиш мақсадидида яқинлашган хонадон эълоларининг ҳисоб-китобини амалга оширишда янада қўлай шарт яратилди. — 2005 йилнинг биринчи январига фуқароларимизнинг шаҳар газлаштириш идорасидан бўлган қарзи 2,5 миллион сўмдан ошиб кетган эди, — дейди маҳалла оқсоқоли Нейматжон Убайдуллаев. — Аввало, хонадонларга тўлиқ ҳисоблагичлар ўрнатилди. Кейин хизмат кўрсатиш тартиблари, фаолларимиз, хусусан, кўчабошилар иштирокида олиб борилган тушунириш ишлари ўз самарасини бериб, қарзларни тўлалигича ўпшига ва тўлов мунтазамлигига эришди.

Коммунал тўловлар изчилигини таъминлаш борасидаги янгиликлар унда

фаол қатнашаётган маҳалла фуқаролар йиғинларига ҳам бирдек манфаатли бўлапти. Вилоят ҳокимлигининг тавсияси билан хизмат кўрсатиш тартиблари маҳаллаларда тўпланган тушумнинг ўн фоизини йиғинлар иштирокида қолдиришяпти. Бу маблагнинг 60 фоизи худуддаги кам таъминланган оилаларнинг қарзини ўпшига ажратилса, қолган маблаг йиғин идорасининг кундалик эҳтиёжлари,

ганлиги билан боғлиқ эканлиги ҳеч кимга сир эмас. Шу жиҳатдан олганда, Наманганда маҳаллий ўзини-ўзи бошқариш идораларининг бу ишга фаол жалб этилганини маъқул иш, деб ҳисоблаш мумкин. Вилоятдаги мавжуд 703 маҳаллада коммунал тўловларни қўриқчи манфаатдорлик руҳида ўтказилаётганлиги тушулар миқдорини сезиларли даражада оширмоқда. Таққослаш учун қўйилган рақамларни келтиришни ўзи kifоя. Мисол учун, 2005 йилнинг 19 декабрь куни нақд пулнинг умумий тушуми 24 миллион 483 миң 392 сўмини ташкил этган бўлса, кейинги куни 30,6 миллион, 21-санага 35,7 миллион сўмга етди. Аввал юзга келган катта ҳажмдаги қарздорлик кўрсаткичлари тобора камайиб бормоқда.

Жорий йилдан бошлаб маҳалла идораларида амалга оширилаётган коммунал тўловлар тушумининг йиғинларга қолдирилганидан қисман оқсоқол, унинг атрафидидаги ходимлар иш ҳақиқаи қўшимчалар жорий этиш кўзда тутиляпти. Улар манфаатдорлигининг бу тарзда кўтарилиши истеъмолчиларнинг ўзаро ҳисоб-китоблари янада тақомиллаштиришга хизмат қилиши тўғрисида гап.

Қудратилла НАЖМИДИНОВ,  
«Халқ сўзи» мухбири.

## Бевосита мулоқот СИЗНИ ХАЛҚ ТАЪЛИМИ ВАЗИРИ ЭШИТАДИ



Кадрлар тайёрлаш миллий дастури ва унинг таркибий қисми бўлган Ўзбекистон Республикаси Президентининг «2004-2009 йилларда мактаб таълимини ривожлантириш Давлат умумий миллий дастури тўғрисида»ги Фармони, Президентимизнинг 2005 йил 25 ноябрдаги «Халқ таълими ходимлари меҳнатига ҳақ тўлаш тизимини тақомиллаштириш ва уни моддий рағбатлантиришни кучайтириш чора-тадбирлари тўғрисида»ги 227-сонли Қарорини амалга ошириш тадбирлари, ҳукуматимиз томонидан ишлаб чиқилган ва халқ таълими ходимлари касб маҳоратини доимий оширишга қаратилган чора-тадбирларнинг натижасида сизни қизқитирган бошқа саволларингизга «Халқ сўзи» ҳамда «Народное слово» газеталари тахририяти ташаббуси билан уюштирилган бевосита мулоқотда

Ўзбекистон Республикаси Халқ таълими вазири  
Туробжон ЖўРАЕВ жавоб беради.

Бевосита мулоқот шу йил 31 январь куни соат 10.00 дан 12.00 гача  
139-17-35, 136-36-36 телефонлари орқали ўтказилади.

Вазирга бермоқчи бўлган саволларингизни олдиндан тахририятнинг  
132-12-08 телефонига ёки 136-37-85 факсига, шунингдек, info@xs.uz  
электрон почта манзилига юборишингиз мумкин.

Хитой Халқ Республикаси ташқи ишлар вазири Ли Чжаосин 19-20 январь куллари қисқа мuddат билан Тошкентда тўхтаб ўтди.

## ХИТОЙ ТАШҚИ ИШЛАР ВАЗИРИ ТОШКЕНТДА

Ўзбекистон Республикаси ташқи ишлар вазири Элёр Фаниев билан Хитой Халқ Республикаси ташқи ишлар вазири Ли Чжаосиннинг мулоқоти чоғида мамлакатларимиз ўртасидаги ҳамкорлик алоқаларининг бугунги аҳоли, долзарб халқаро ва минтақавий муаммолар, томонларни қизиқтирган бошқа масалалар юзасидан фикр алмашилди.

(Ў.А.)

## Пойабзалчилар ипак йиғиради

«Кўкун пойабзали» хиссадорлик жамиятининг тўхтаб қолган цехлари ўрнида энди пиллани қайта ишлаш дастгоҳлари ишлаш бошланди. Янги йилдан бу масканда пилла йиғирадиган ва шойи тўқишга ихтисослашган «Кок — Осиё» очик турдаги акциядорлик жамияти фаолият кўрсатаёпти.

Илгари ранг-баранг пойабзаллар тайёрлаган биналарга замонавий русумдаги пиллакашлик дастгоҳларини монтаж қилишда бу ишнинг ҳадисини олган наманганлик мутахассислар яқиндан кўмак беришди. Янги корхона низоом жамғармасининг 90 фоизи «Кўкун пойабзали» хиссадорлик жамиятига тегишли. Шу боис янги корхонада асосан кечаги пойабзалчилар меҳнат қилади. 200 дан зиёд ишчи ишлайдиган корхона тўла қувват билан фаолият кўрсатса, йилига 300 тонна пиллани қайта ишлайди.

Набижон СОБИР,  
«Халқ сўзи» мухбири.





Қани энди, дунёга икки марта келсанг. Кўзинг ярқ этиб очилган кундан бошлаб — қайтадан яшашнинг иложи бўлса... Йўқ, ҳаёт бир марта берилади, холос...

Уша бир марталик муқаддас неъматни ким, қандай қадрлайпти? Шукрлар бўлсинки, қадрлаганлар, қадами тўғри, йўли тўғри, бахтли, соғлом инсонлар жуда кўп. Лекин...

Турмуш ўртоғим тўсатдан оғриб қолди-ю, уни жарроҳлик йўли билан даволашга тўғри келди. Ана ўша кунларда мен "лекин"ларни ўз кўзим билан кўриб, қўриқдаги саволимга жавоб излай-излай ўйга толдим. Демак, тиббиётга, Навоий бобомиз "Хизр қадамли ҳақимлар, Исо нафасли табиблар", деб улуғлаган шифокорларга одобимиз, ахлоқимиз билан ҳам ҳимойлик қилишимиз мумкин экан, деган қарорга келдим.

ТАНГА МАЛҲАМ БЎЛАЁТГАНЛАР

Репортаж

Шундай қилиб, мен ўз беморим билан Фаргона вилояти тез тиббий ёрдам марказининг Кува филиали қабулхонасидадим. Эҳ-хе, бизнинг дардимиз ҳолава экан. Дунёнинг барча ташвишлари шу ерда гўё. Бирдан оқ халатлилар шошиб қолишди. Чунки шу чоғ замбилда беҳуш ётган йигитни ичкарига олиб киришди. Зудлик билан ёрдам бериш керак, у кўп қон йўқотган, дейишди. Нима эмиш, икки "дўст" кайф устида тортишиб қолди-ю, бири иккинчисига тиг санчибди. Тавба! Нимаси дўст уларнинг? Нимаси йигит уларнинг? Тўқликка шўхликми, бу? Тинч ҳаётга, етти мучасининг соғ-омонлигига ношукрчилик эмасми?! Ҳадемай юрак-бағрини пора қилиб, ота-онаси, жигарлари етиб қелишди. Уларни каярга қўйишни билишмайди, денг. Йигитни эса жарроҳлик хонасига олиб кириб кетишганди.

расиз-у. Муродилжон, — дейман унинг ёрқин чеҳрасига разм солиб, — сизнинг ишингиз доимо масъулият-ли. Рангингиз тоза, тиник. Шундан билдимки, сиз ичмасангиз керак-а? — Ота-онам, умрлари узок бўлсин, менга ёшлигимдан ичма, чекма, одамлар дилини оғритма, деб ўргатишган. Қолаверса, раҳматли устозим Мирзали Ахоров ҳам ( у ўнг томондаги катта суратта меҳр билан қараб кўяди) институтни битириб, ишга келган кунимданок каттик тайинланган. "Сен бир умр яхши жарроҳ бўламан, десанг, ичма, чекма ва бую тақдиринг дегунча ўқи, излан! Сендан яхшилик кўрганлар ош дам-лаб, зифатта қаки-ради-...

бўлади? — Овқатни оз-оздан еб юради ва аста-секин соғайиб кетади. — Ажабо. Шунчалар қалтис юмушни қайси юрак билан адо этасизлар-а? Яратганнинг ўзи сизларга шернинг юрагини, бургутнинг кўзини, Сукротнинг иродасини берган экан-да! Жасорат бу, жасорат! — дейман. Икромжон пешонасидаги терни сидириб, йўлида давом этар экан, автохалокатдан оғир жароҳатланган бир эмас, уч йигитни олиб келишадди. — Ҳа, нафс ва жаҳолат ту-файли касалхонага ҳар кун, баъзи кўналар ҳар соатда оқиб келаётган қанча-қанча жафокашларни...

ман аста Муродилжон Арлоновдан. — Шофёрни асраб қололмадик, — дейди у хор-гин руҳда. — Маст ҳолда машина хайдаган ва бетонга келиб урилган. Шерикларининг ҳам кайфи бўлган. Уларни ҳам ҳали яна узок даволашга тўғри келди.

Эҳ, одамлар, одамлар. Яратган эгам уларнинг вужудларини, ички оламларини ўз нури билан мунаввар этиб, ахлоқий фазилат соҳиби бўлишлар, деса-ю, улар кўзларини кўр, қулоқларини қар қилиб олиб, ўз жонларига ўзлари зомин бўлишса?! Ҳазратигагина эмас, оиласига, яқинларига, йўловчиларга жабру жафолар келтиришса?! Майиб-мажруҳ бўлиб, шифокорларни ҳам қийнашса. Уларни синган суюқ парчаларни қон ичидан, жон ичидан киприклар билан битталаб териб, этларини қалб бармоқлари билан битталаб тикиб, ўлим билан олишишга мажбур қилишса?! Томирларига қуйилаётган қанча қон, қанча дори-дармонлар-чи?! Кимтабҳо автоуловларнинг чил-парчи бўлиши-чи?! Биргина шифокорнада шунча воқеа-ҳодиса. Вилоят бўйича, республикамиз миқёсида қанчайкин-а?! Аллоҳ бизга оламни обод қилиш, ер бизга минг бир хил неъматлар яратиб, илм-фан билан шуғулланиш, хунар ўрганиш, бахтли оила барпо этиш, фарзанд тарбиялаш, ҳуллас, ақл-зако-ват соҳиби бўлиш учун та-факкур, идрок, беқеъс куч-қувват ато этганини унутди-ми, улар?



Хушёр ва доно одам ўз қадамини билиб босади. «Авесто»дан.

лар. Куйиб, узатдилар. шунда нафсингни тийсанг — марра сенники. Аксинча бўлса, бора-бора кўлларинг қалтираб, операция қилполмай қолсан!

— Отангизга раҳмат! Устозингизга раҳмат! — дейман севиниб. — Эҳ, агар таъбир ҳоиз бўлса, мен тарбия сўзига хайкал қўйган бўлардим. Қани энди тарбия масаласи ҳаммаимизнинг асосий ишимизга, инсоний бурчимизга айланса. Ана ушан-да сизларнинг ҳам юмушингиз бунчалик серташвиш бўлмасмиди?! — Нимасини айтасиз, опа, ҳаммаси шу тарбия масаласига бориб тақалади. Арслонов бирдан девордаги соатга қараб, таратдулланди. — Ҳозир яна бир оғир операцияга кирамиз. Ўттиз беш яшар бир дехон йигит ошқозонини яра қулиб, шифокорга учрамай юр-верган.

Эҳ, одамлар. Шу ахвол рўй бермаслиги ҳам мумкин эди-ку. Тўй қиламан, деб, уй қураман деб ёки ўғил-қизимизга сеп йиғмадан деб ўзимизга қарамай қўйган вақтларимиз бўлапти. Оруз-хавасларимиз бир дунё, соғлигимиз қаққиди қайғурилшимиз эса жуда оз, жуда суст. Умр йўлдошим тинчгина ухляпти. Мен яна йўлакка чиқмаман. Операция қачон, қандай тугаркин?! Ниҳоят, ана, жуссаидан гайрат, чеҳрасидан табассум ёғилиб турадиган ажойиб жарроҳ Икромжон Ҳасанов кўрилади. — Тинчликми? Операция яхши ўтдими? — шошиб сўрайман. — Ҳа, опа, яхши ўтди. Ошқозонини олиб ташладик. — Вой, тавба, энди нима

қўрдим. Биров мастликда хотинини уриб, бошини ёрган. Бир аёл сирка ичиб қўйган. Яна бири ёнғоқ қокман, деб дарахдан иккинчи, майиб бўлган. Катталарнинг лойқадлиги ту-файли ёш болаларнинг қўли ё оёғи қуйган ва ҳоказо, ва ҳоказо. — Уйга толаман. Дарахга чиққан элик ёшлардаги аёл тезроқ ёнғоқни қоқай, бозорга олиб бориб, рўзгорга барака киритай деб ташвишлангандир. Ё уйдаги ўғил болалар, балки умр йўлдоши бемехр ё ишёқ-масдир. Эрининг сўкиншишга аччиқ қилиб сирка ичган аёл-чи. Унга нима бўлди-кин? Аста бориб, хонага мўралайман. Оқ халатлилар унга шарвона. Ичкариини ювишяпти, олма уқол беришяпти. Ташқарида эса унинг яқинлари безовта. Уйда эмизликни болаши йи-лаб қолганимиз. Ана, қизига қўйиб кетган ойназорнинг бирдан юраги ёмон бўлиб қолди. Энди у тўлгона чол-чоп...

«Эҳ, сингилгина-я! — дейман унга хаёлан мурожаат қилиб, — ёш жонингга, соғлигингга жабр қилиб, нимага ҳам эришардинг-а?! Аллоҳ берган умрга шукр қилиб, яшаб юрсанг, бўлади-ку. Бунча калта ўйланди? Энди бу ёғига ўзингизни қўлга ол. Оила маданиятини, турмуш мувозанатини сақлашни ўрган. Яшашни бил. Кефиримли ва оқила аёллар албатта бахтли бўладилар!»

Дарвоқе, ҳалиги шоши-линч операцияга кириб кетганлар, билмадим, орадан неча соат ўтди, чиқиб келишди. Улар бироз хор-гин, кўзлари киртайган, назарими. — Нима бўлди? — сўрай-

Самъат МАХМУДОВА.

Бахшиларга Жўровоз оркестр

Тасаввур қилинг, безатилган катта саҳнада қадимий миллий чолғу асбобларимиз янграяпти. Қалб торларини чертиб юбурчи оҳангларга бахшилар қўшилади. Кейин эса уларга бирдан энг замонавий электрон музыка воситалари жўр бўлади. Тарихи минг йилларга бориб тақаладиган қадимий нолалар замонавий эстрада билан уйғуллашиб, ажиб бир куйга айланади ва қалбларга бесўроқ кириб боради.

Қуни кеча пойтахтимизнинг "Интер-континентал" меҳмонхонасида тақдир-мағораси бўлиб ўтган "RAPSHOE" миллий мусикий лойиҳаси ана шу манзарани меҳмонлар ҳукмига ҳавола этди. Лойиҳа продюсери Арслон Камолоннинг айтишича, бунда асосий эътибор куй-қўшиқларда қадимий ўзбек чолғу асбобларидан самарали фойдаланишга қаратилган. Қановуз, соз-сурнай, қумуш-сурнай, ковурун-сурнай, усқирмай, ўртеке, жетиген, сибизга сингари кўпжа қадимий асбобларимиз эса бу борада айни мудоао-ди. — Бу чолғулар замонавий электро-

Янги лойиҳа

ника билан жиҳозланган мусикий асбоб-укуналар билан бирга мутлоқ янги оҳанг касб этмоқда, — дейди А.Камолов. — Бироқ, лойиҳага қўра, қадимий мусика ва кўйларнинг бирор қисми ҳам ўзгартирилмаган ҳолда янги композицияларга қўшилади, "RAPSHOE" лойиҳаси бахшилар тим-солида халқ мусикий ижодиётининг профессионал вакиларини ҳам, ёш истеъод соҳиблари тимсолида замо-наввий шоу-бизнес вакиллари ҳам бир вақтда саҳнага олиб чиқишни кўзада

тутади. Лойиҳада, шунингдек, ёшларнинг мусикий ва ижро қобилиятларини ривожлантиришга алоҳида аҳамият берилди. Ёшлар қалбига қадимий оҳанглари сингирдиш ҳам "RAPSHOE" лойиҳаси мақсадларидандир. Қайд этиш керакки, лойиҳа Швейцариянинг ривожланиш ва ҳамкорлик бошқармаси кўмағида амалга оширилмоқда. Профессор Отаназар Матёкубов, таниқли ўзбек мусиқачилари Акбар Ҳакимов, Рустам Абдуллоев кабилар мутахассис сифатида жалб этилган. Тақдир мағорасида дастлабки намуналар янгради ҳамда ўзининг шарқона хосибаи ва оҳанги билан йиғилганларда катта қизиқиш уюғотди. Жумладан, Ўзбекистон Ёшлар театрининг бадиий раҳбари Наби Абдураҳмонов бу усуллардан янги спектакларда фойдаланиш истагини билдирди.

Мақсуд ЖОНИХОНОВ, "Халқ сўзи" муҳбири.

ОЛАМ НАФАСИ Янгиликлар, воқеалар, далиллар

Олий Раданинг навбатдаги «хужуми»

Украина Олий Радаси мамлакат адлия вазир Сергей Головатий ва энергетика вазир Иван Плачковларни лавозимидан озод қилиш ҳақида қарор қабул қилди. ProUA.com сайти тарқатган хабарда айтилишича, парламент «Нафтогаз Украины» миллий компанияси раҳбари Алексей Ивченкога ҳам ишончсизлик билдирган. Ушбу қарорга мувофиқ, парламент Ҳисоб палатаси «Нафтогаз»нинг 2004-2005 йиллардаги фаолияти-ни чуқур молиявий текширувдан ўтказди. Шунингдек, мамлакат бош прокуратурасига Россия билан газ етказиб бериш бўйича тузилган шартномага ҳуқуқий баҳо бериш тавсия этилган. Бундан ташқари, парламент депутатлари Россия, Туркменистон, Қозоғистон ва Ўзбекистон сингари Украинага табиий газ етказиб берувчи давлатлар билан иқтисодий муносабатларни зудлик билан тартибга келтириш тўғрисидаги тавсияларни

кўпчилик овоз билан қабул қилишди. Айни дамда миллий нефть компанияси раҳбари Ивченко журналистларга баёнот бериб, қонунларга кўра Олий Рада уни лавозимидан четлатишга ҳақи йўқлигини маълум қилган.

Самолёт ҳалокати

Словакия Куролли кучлари-га қарашли «Ан-24» ҳарбий-транспорт самолётининг Венгрия ҳудудига ҳалокатга учраши туғайли 44 киши ҳалок бўлди, деб хабар беради France Press ахборот агентлиги. Воқеа жойига етиб борган Венгрия миллий полицияси вакилининг маълум қилишича, йўловчилардан фақат бир киши омон қолган. «Ан-24» самолёти Косовонинг маъмурий марказидан Словакиянинг Кошице шаҳрига парвоз қилган ва пайшанба кун кечкурун ҳалокатга учраган.

Кўшин олиб чиқилади

Италия ўзининг Ироқдаги ҳарбий контингентини 2006 йил охирида олиб чиқади, деб баёнот берди мамлакат мудофаа вазир Антонио Мартино. «Ҳарбий операциянинг мудоатти 2007 йил бошида якунланади ва миссия бажарилди дейишга ҳақимиз», деди Мартино. Вазирнинг сўзларига кўра, италиялик ҳарбийлардан бир қисми дипломатик муассасалар ҳавфсизлигини таъминлаш мақсадида қолиши мумкин. Шу ойнинг ўзига 300 нафар аскар чиқиб кетади, май ойида эса Италиянинг Ироқдаги континенти икки баробар камайитирилади. АФР агентлигининг хабарида айтилишича, сайловларга 3 ой қолганда мудофаа вазирининг бундай баёнот бериши сайловчиларга қулни таъсир қилиши мумкин. Амалдаги бош вазир Силь-во Берлускони шу йўл билан навбатдаги сайловларда галаба қозонишни мўлжалламоқда.

Музокарага ўрин йўқ

Пайшанба кун «Ал-Жазира» телеканали орқали «Ал-Қойда» халқаро террорчилик ташкилотининг раҳбари Усома бин Ладнининг аудоимоуржаати эфирга узатилган. Унда биринчи рақамли террорчи АҚШга навбатдаги ҳужум режалаштирилаётганини айтиб, Қўшма

ФАРГОНА ВИЛОЯТИ БЎЙИЧА БАНКРОТЛИК ҲАҚИДА СУД МАЖЛИСИ КРЕДИТОРЛАРНИНГ 1-ЙИГИЛИШИ ВА ҚАРЗДОРЛАРГА НИСБАТАН ҚУЗАТУВНИ ЖОРИЙ ЭТИШ ҲАҚИДА ХАБАР

Фаргона вилояти хўжалик судининг 2005 йил 30 декабрдаги 15-05-01/12845-сонли ажримига асосан Фаргона шахрида жойлашган «ФАРГОНА СУВҚУРИЛИШ ИНДУСТРИЯ» ОТАЖНИ банкрот деб эътироф этишга оид иш юритилиб, қузатув жараёни бошланди. Муваққат бошқарувчи этиб суд бошқарувчиси А.Ортиқов тайинланди. Банкротлик иши 2006 йил 14 февраль кун соат 11.00 да Фаргона вилояти хўжалик судида кўрилади.

**Кредиторларнинг 1-йигилиши 2006 йил 10 февраль кун соат 12.00 да қуйидаги манзилда бўлиб ўтади: Фаргона ш., Комилов к., 1-уй, «Фаргона сувқурилиш индустрия» корхонаси биноси.**

Фаргона вилояти хўжалик судининг 2005 йил 30 декабрдаги 15-05-01/12846-сонли ажримига асосан Ёзёвон туманида жойлашган «81-КМК» МАСЪУЛИЯТИ ЧЕКЛАНГАН ЖАМИЯТНИ банкрот деб эътироф этишга оид иш юритилиб, қузатув жараёни бошланди. Муваққат бошқарувчи этиб суд бошқарувчиси Р.Ҳасанов тайинланди. Банкротлик иши 2006 йил 15 февраль кун соат 11.00 да Фаргона вилояти хўжалик судида кўрилади.

**Кредиторларнинг 1-йигилиши 2006 йил 10 февраль кун соат 14.00 да қуйидаги манзилда бўлиб ўтади: Ёзёвон тумани, Қорасоқол қишлоғи, «81-КМК» корхонаси биноси.**

Фаргона вилояти хўжалик судининг 2005 йил 30 декабрдаги 15-05-01/12847-сонли ажримига асосан Фаргона шахрида жойлашган «ФАРГОНА СУНЪЙИ ЧАРМ ЗАВОДИ» ОТАЖНИ банкрот деб эътироф этишга оид иш юритилиб, қузатув жараёни бошланди. Муваққат бошқарувчи этиб суд бошқарувчиси Д.Шукуров тайинланди. Банкротлик иши 2006 йил 14 февраль кун соат 15.00 да Фаргона вилояти хўжалик судида кўрилади.

**Кредиторларнинг 1-йигилиши 2006 йил 10 февраль кун соат 11.00 да қуйидаги манзилда бўлиб ўтади: Фаргона ш., Кимёгарлар к., 3-уй, «Фаргона сунъий чарм заводи» корхонаси биноси.**

Фаргона вилояти хўжалик судининг 2006 йил 12 январдаги 15-06-01/209-сонли ажримига асосан Фаргона шахрида жойлашган «ФАРГОНА ЖАМОА ҚУРИЛИШ ТРЕСТИ» ОТАЖНИ банкрот деб эътироф этишга оид иш юритилиб, қузатув жараёни бошланди. Муваққат бошқарувчи этиб суд бошқарувчиси З.Қаймов тайинланди. Банкротлик иши 2006 йил 27 февраль кун соат 15.00 да Фаргона вилояти хўжалик судида кўрилади.

**Кредиторларнинг 1-йигилиши 2006 йил 22 февраль кун соат 12.00 да қуйидаги манзилда бўлиб ўтади: Фаргона ш., Пахлавон Махмуд к., 25-уй, «Фаргона жамоа қурилиш трести» биноси.**

Фаргона вилояти хўжалик судининг 2006 йил 12 январдаги 15-06-01/210-сонли ажримига асосан Фаргона шахридаги «ФАРГОНА ҚУРИЛИШ» ОТАЖНИ банкрот деб эътироф этишга оид иш юритилиб, қузатув жараёни бошланди. Муваққат бошқарувчи этиб суд бошқарувчиси К.Қурпаяниди тайинланди. Банкротлик иши 2006 йил 27 февраль кун соат 11.00 да Фаргона вилояти хўжалик судида кўрилади.

**Кредиторларнинг 1-йигилиши 2006 йил 22 февраль кун соат 14.00 да қуйидаги манзилда бўлиб ўтади: Фаргона ш., М.Қосимов к., 103-уй, «Фаргона қурилиш» ОТАЖ биноси.**

Фаргона вилояти хўжалик судининг 2006 йил 9 январдаги 15-06-08/160-сонли ажримига асосан Боғдод туманидаги «МУСТАҚИЛЛИК» МЧЖНИ банкрот деб эътироф этишга оид иш юритилиб, қузатув жараёни бошланди. Муваққат бошқарувчи этиб суд бошқарувчиси М.Қурбонов тайинланди. Банкротлик иши 2006 йил 8 февраль кун соат 11.00 да Фаргона вилояти хўжалик судида кўрилади.

**Кредиторларнинг 1-йигилиши 2006 йил 3 февраль кун соат 12.00 да қуйидаги манзилда бўлиб ўтади: Боғдод тумани, Чигит қишлоғи, «Мустақиллик» МЧЖ биноси.**

# Университет мадҳияси

Садоқат пирхонаси, саодат нурхонаси,  
Миллий Университет,  
Миллий Университет.

Китоблар узра юз минг кечалар кундуз бўлур,  
Устозларнинг орзуси — юз минг ўғил-қиз бўлур,  
Маърифат осмонида бу юз минг юлдуз бўлур,  
Ёшлик ҳам муҳаббатнинг туганмас таронаси,  
Миллий Университет,  
Миллий Университет.

Илм олмақ оламда улугъ неъмат, улугъ эрк,  
Бағринда вижир-вижир қалдирғочлар тўлуғдек,  
Кўрса ҳавас қиларди ўзи султон Улугбек,  
Неча бир авлодларнинг ярқироқ пешонаси,  
Миллий Университет,  
Миллий Университет.

Бир сўз ўрганмоқ учун кетгай қанчалар сабот,  
Асли сўнгсиз синовидир, дорилфунундир ҳаёт.  
Сен ўзинг парвоз бергил, сен ўзинг бўлгил қанот,  
Сендайир камолотнинг юксалур поғонаси,  
Миллий Университет,  
Миллий Университет.

Бизлар тошқин дарёлар — бир жону тан бўлғаймиз,  
Тириклик чечаклари — гул-гул чаман бўлғаймиз,  
Улғайиб, камол топиб, буюк Ватан бўлғаймиз,  
Истиқлол дурдонаси, истиқбол остонаси,  
Миллий Университет,  
Миллий Университет.

Сирожиiddин САЙИИД.



Қанча улугъ зотларнинг мунаввар дархонаси,  
Хар бир кўҳна ғиштингда замоналар афсонаси,  
Мангулик кўрғонида сўнмагай нишониси,  
Уйғонувчи миллатнинг илму фан қошониси,  
Миллий Университет,  
Миллий Университет.

Ўзбекининг бу дунёда туялори бор, оти бор,  
«Кутадгу билик»лардан бошланган бунёди бор,  
Сокин деворларингда алломалар ёди бор,

## Спорт ахборотида старт

Маданият ва спорт ишлари вазирлиги қошида жамоатчилик асосида фаолият юритадиган Матбуот маркази иш бошлади. Уни ташкил этишдан қўзланган асосий мақсад мамлакатимизда спорт соҳасида амалга оширилаётган ислохотлар жараёни, жаҳон ва қитъа чемпионатлари, халқаро турнирларда қўлга киритилаётган муваффақиятларни оммавий ахборот воситалари орқали кенг жамоатчиликка тезкор етказишдан иборат. Жамоатчилик асосида фаолият юритадиган Матбуот марказига мамлакатимиздаги марказий нашрларда фаолият юритадиган тўққиз нафар фаол спорт журналистлари жалб қилинди. Улар сафарида «Халқ сўзи» газетаси вакили ҳам бор.



Осиё футбол конфедерацияси матбуот хизматининг тарқатган хабарига кўра, эндиликда Ўзбекистон миллий терма жамоасини россиялик мутахассис Валерий Непомнящий бошқаради.

## Непомнящий бош мураббий бўладими?

Хабарингиз бор, футболчиларимиз 22 февраль куни 2007 йилда бўладиган Осиё чемпионати саралаш урғашувида Багдаддаги терма жамоаси билан учрашадилар. 62 ёшли мураббий шу ўйинда жамоамизни майдонга олиб тушиши мумкин. Келиб чиқши туркманистонлик бўлган Валерий Непомнящий ўтган асрнинг 60-йилларида «Самарқанд-Динамо» сафида ўйнаган. Унинг эришган энг катта натижаси 1990 йилда Камерун футболчиларини жаҳон кубогининг финалига олиб чиқши бўлди. Шунингдек, Туркия, Корея ва

Япония давлатларидаги кўплаб клубларда муваффақиятли фаолият кўрсатди. 2005 йил у мураббийлик қилаётган Хитойнинг «Шанхай» жамоаси мамлакат чемпионатида кумуш медални қўлга киритди. Умид қиламизки, Непомнящий ўз галабаларини Ўзбекистон терма жамоаси мураббийси сифатида ҳам давом эттиради. Хозир Ўзбекистон футбол федерацияси мутасаддилари мураббий билан шартнома тузиш учун музокаралар олиб боришмоқда.

З. ЖОНИЕВОВ,  
«Халқ сўзи» мухбири.



Миллий ҳамда чет эл валютасидаги барча банк хизматлари Сизнинг муваффақиятингиз учун!

«ПАХТАБАНК» ФАРОВОНЛИГИНИҒИЗ КАЛИТИДИР!

Маъзур кўрсатув Янги йил арафасида намойиш этилган эди. Унда олий ўқув юртининг олти нафар талабаси қатнашиб, асосан уй-рўзгор ишларига доир шартлар бўйича беллашдилар. Улар овқат пишириши бир амаллаб бажаришди.

## Кўрпача йиғишни билмайдиган қизлар

ёхуд «Ёшлар» телеканалнинг «Таманно» кўрсатувида иштирок этиб, голибликни қўлга киритган оқбилақ ойимлар хусусида

Аммо кўрпача йиғишга келганда ўқувсизликлари, тўғрироғи, бу юмушни умрида қилмаганликлари шундоққина сезилиб қолди. Уларнинг ҳар бири қўтича устига кўрпачани шундай бетартиб ва пала-партиш тахладиди, оқибатда тахлamlар ағдарилиб кетаверди. Бундан хижолат чекиши керак бўлган иштирокчилар эса гилам устида ётган кўрпачаларни босиб ўтар ва кулиб ҳам қўйишарди. Хуллас, олтовидан бирортаси ҳам шартни кўнгилдагидек бажаролмади.

Луқма

Навбатдаги шартга биноан қизлар тандирда нон ёпдилар. Буни кўриб турган томошабин кўнгилдан кўрпача йиғишни билмаган нон ёпишни уйдalаримди, деган ўй кениши табиий. Тўғри, қизлар бир амаллаб биттадан нонни тандирга ёпиштириб, алхол пишириб, узиб ҳам олишди.

Аслида-чи? Янги йилдан кейин кўрсатув қайта намойиш этилган, азбароқи қизиқчини туфайли қизлардан бирини излаб топдим.

— Тандирини неча минутда қиздирдингиз?  
— У жавоб ўрнига савол берди:  
— Чо таъом тандир?  
— У жавобимни ҳам қутмай, яна савол билан муножаат қилди:  
— Который домашний дока хлеб, да?  
— Мана шу лаҳзалик савол-жавобдан сўнг портламасам бўлмасди...

Авалло, кўрсатувнинг номи мазмунига мос келмайди. «Таманно» сўзи ошқини на-

зар-писанд қилмайдиган машўққа маъносини билдиради. Шунинг учун ҳам ундan мумтоз адабиётда кенг фойдаланилган. Қолаверса, иштирокчилар нотўғри танланган. Улар ақлидир, ўқимшидир, донодир. Бироқ асрий урф-одатларимиздан йироқ, европача тарбия олган, энг муҳими, ўзбекчани чала-чулпа гапирадиганларни ўзбекининг қизи деб томошабинга тақдим этишининг ўзи уят. Кўрсатув давомида камида олти-етмиш минг сўм турадиган, ярми очик кийимларни бот-бот алмаштириб туришларининг ўзиёқ уларнинг, соғуқ сувга қўл урмакликларини кўрсатиб турибди-ку. Тандирни «дока хлеб» деб турган, тандир қизитиш нималигини умуман тушунмайдиган қиз нон ёпа оладими, ўзи? Шу ўринда кўрсатувда иштирок этган ва қизларга ўз шахсий соғасини берган оқила ояхонимиздан ҳам хафа бўлиб кетдим.

Кўрсатув олиб борувчининг «аввал бошда беллашадиган қизлар кўп эди, фақат мана шуларгина иштирок этишга муваффақ бўлишди», — дегани эса, назаримда, дард устига чипқон бўлди. Эплизари шулар бўлса, эпсизлари қандайкин?

Бизнингча, ҳар қандай кўрсатув сохталикдан холи, табиий ва айни пайтда миллий ўзликини англашимизга йўналтирилмоғи лозим.

Хуллас, мен портладим. Сиз-чи?  
Г. ХУСАНОВА,  
«Халқ сўзи» мухбири.



## Қизиқчининг арз-доду

Хозирги замонда қизиқчилик ҳам кийин бўлиб қолди. Яқинда бир бадавлат кишининг тўйида бўлдим. Юзтани отиб олиб, даврага чиқдим-да, поряхурлар ҳақидаги латифамни илҳом билан айта боладим. Латифа ярилмасдан бир акахон рўпарамга келди-ю, чаккамга нақд беш юзталикни қистириб, мавзунини ўзгартириб, деса бўладими. Қўлларим ўз-ўзидан кўксимга келди-ю, мавзунини аёлларга бурдим. Халиги акахон бу бошқа гап, деганча яна битта беш юзталикнинг бахридан кечди.

Кейинги латифам эркакларга ёқиб тушди ми ёки ичкилик таъсириданми, ҳар қалай, қийиркик авжга минди. Илҳомимга илҳом қўшилиб, бир қўнимга яраб қолар деб, махус ўтиришлар учун асраб юрган гапларимдан қўшиб-чатиб олаётган эдим, мен томонга келатган узун либосли аёлга кўзим тушди-ю, сал газни пастрладим. Опазон чаккамга шалақоқлаб урғандек қилиб пул қистирди. Кўз қирим билан аста

лардан ўтган ҳайдовчилар ҳақидагини сўзлай кетдим. Ана қийиркиқ, мана қийиркиқ, ҳатто тўйдагиларни қитқиласа ҳам бунчалик қулмас-ов. Бироқ эрта суюнган эканман. Енгинамда бир барзанги пайдо бўлди. Эғнида комбинзон, бир қўлида гижимланган пуллар, иккинчи қўлидаги нима, лўми, йўғ-е, мантровка шекилли. У нақ тумшугим остида бўғизланган қўйдек хириллади: «Хей, махсарабоз, сенга пул керакми, жон? — Мен ҳам хозиржавоблик билан: «Жон, акахон, жон», дедим. Сўнг кўнглини олиш учун мен чет эл ҳайдовчилари ҳақида гапирётувдим», дегандим, у баттар кутурди: «Ҳеч қанақа чет эл-пет элни билмайман. Умуман, ҳайдовчи халқига тил теккиза қўрма. Қайда бўлсаям, ҳайдовчи-ҳайдовчи».

Айтинг, энди мен нима қилай? Қимлар ҳақида латифа айтмай? Ўзга сайёраликлар ёхуд ҳайвонлар тўғрисидами? Бироқ қим қаролат беради, мана шу даврада ўшаларнинг ҳам вакиллари йўқлигига!

Мухиддин МАДАМИНОВ,  
Фаргона.

ДСК матбуот хизмати хабар қилади

## Хавфли юк

Пиримкулов кўчасининг икки юзида савдо ва майший хизмат корхоналари турнақатор жойлашган. Олмалиқ шаҳар давлат солиқ инспекцияси ходимлари кунда-кунора уларнинг фаолиятини кўздан кеңиб, ноқонуний хатти-ҳаракатларнинг олдини олиб туришади.

Кўча бўйлаб навбатдаги рейдди ўтказётган солиқчилар қутилмаган бензин савдоси устидан чиқиб қолдилар. Фуқаро Д. Қўшдавлатов «Москвич» машинасида олиб келган 50 литр бензиннинг ҳар литрини 800 сўмдан, нарироқда турган «Дамас» машинаси ҳайдовчиси А. Гуфранов эса 60 литр бензиннинг ҳар литрини 900 сўмдан пуллаб туришганди.

Хавфли юк дарҳол ашёвий далил сифатида олинди, суриштирув ишлари бошлаб юборилди.

## Яширин чек фаш бўлди



Солиқ хизмати ходимлари байрам куни қизиқ воқеанинг гувоҳи бўлдилар: Эркин қишлоқ фуқаролар йиғини, Охунбоев кўчасидаги 10-уйга кириб чиқаётганларнинг кети узилмади. Яқинроқ бориб қарашса, хонадон соҳибни Азиз Аҳмедов хар шиша ароқни 1300 сўмдан пуллаптапти. Машинаси эса йўқ, харид чеки берилмаётганда. Шу заҳоти текширув эълон қилишди.

Маълум бўлишича, Азиз яқка тартибдаги тадбиркор сифатида ҳеч қаерда рўйхатдан ўтмаган, сотаётган ароқлари эса қўлбола экан. Текшириш давомида унинг яширин цехидан 181 шиша ясама ароқ, 91,5 литр спирт, 3897 та ёрлик, 850 та қопқоқ, 260 донна сохта аққиз маркази, 2 та қопқоқловчи мослама, 2 та спиртмомер ва бошқа воситалар далилий ашё сифатида олинди. Зангиоталик солиқчиларнинг хушёрлиги натижасида ўтган йили ўндan ортик яширин цехлар фаолиятига чек қўйилди.

Мулкчилик шаклидан қатъий назар, барча қурилиш ташкилотлари ва корхоналари диққатига!

## Навоий вилояти ҳоқимлигининг «Ягона Буюртмачи Хизмати» инжиниринг компанияси

қуйидаги иншоотларга пудратчи ташкилотларни танлаш бўйича танлов савдоларини эълон қилади:

1. Навоий вилояти, Учқудук туманидаги 13-сонли мактабнинг 9x18 м. ҳажмдаги спорт зали ва ёрданчи биноларининг қурилиши. Объектнинг бошланғич нархи — 78,3 млн. сўм. Қурилиш ишларини якунлаш муддати — 2006 йил 1 июлгача.
2. Навоий вилояти, Конимех туманидаги 14-сонли мактабнинг 9x18 м. ҳажмдаги спорт зали ва ёрданчи биноларининг қурилиши. Объектнинг бошланғич нархи — 78,3 млн. сўм. Қурилиш ишларини якунлаш муддати — 2006 йил 1 июлгача.
3. Навоий вилояти, Нурота тумани, Оккула қишлоғидаги 12-сонли мактабнинг 9x18 м. ҳажмли спорт залининг қурилиши. Объектнинг бошланғич нархи — 78,3 млн. сўм. Қурилиш ишларини якунлаш муддати — 2006 йил 1 июнгача.
4. Навоий вилояти, Кармана туманидаги 6-сонли мактабнинг 12x24 м. ҳажмли спорт залининг қурилиши. Объектнинг бошланғич нархи — 121,1 млн. сўм. Қурилиш ишларини якунлаш муддати — 2006 йил 1 июнгача.
5. Навоий вилояти, Нурота тумани, «Нурота» ж/ҳдаги болалар спорт мажмуасининг реконструкцияси. Объектнинг бошланғич нархи — 80,0 млн. сўм. Қурилиш ишларини якунлаш муддати — 2006 йил 1 июнгача.
6. Навоий шаҳридаги Давлат педагогика институти хузуридаги мактаб-лицейнинг 18x30 м. ҳажмли спорт зали қурилиши. Объектнинг бошланғич нархи — 121,1 млн. сўм. Қурилиш ишларини якунлаш муддати — 2006 йил 1 июнгача.

Буюртмачи — Навоий вилояти, Навоий шаҳри, Навоий кўчаси, 63-уйда жойлашган Навоий вилояти ҳоқимлигининг «Ягона буюртмачи хизмати» инжиниринг компанияси. Қурилиш ишларини молиялаштириш давлат бюджетни маблағлари ҳисобидан амалга оширилади.

Талабгор сифатида қатнашаётган корхона ва ташкилотлар қуйидаги талабларга мос келишлари керак: танлов савдолари предмети қийматининг камида 20 фоизи миқдордаги бўш айланма маблағларининг ёки кўрсатиб ўтилган маблағларни беришга банк қаровалтомаси, ишлар (хизматлар)ни бажариш учун зарур бўлган меҳнат ресурслари ва мутахассисларнинг мавжудлиги, шартномалар тузиш юзасида фуқаролик-муомала ҳуқуқий лаёқат ва устас сармоясининг миқдори, танлов объектга ўхшаш объектларда ишлаш тажрибасининг мавжудлиги, ўз кучлари билан илгари бажарилган иш ҳажмлари тўғрисидаги маълумотлар, танлов объектда ўз кучлари билан бажариладиган ишларнинг мўлжалланаётган ҳажми (фоизларда).

Танлов савдоларида қатнашиш талабгорга буюртмачи томонидан белгиланган бошқа талаблар ҳам қўйилиши мумкин.

Савдода қатнашиш ва тендер ҳужжатларига эга бўлиш учун сўровнома билан савдо ташкилотчиси — Навоий шаҳри, С.Айний кўчаси, 32-уйда жойлашган Навоий вилояти қурилишда танлов савдолари ва нархларни шакллантириш худудий консалтинг марказига муножаат қилиш мумкин. Телефон/факс: (436) 225-53-85.

Ўзбекистоннинг бир йўналишли (коллектив) қиймати қурилиш учун — 50 000 сўм.

Таклифлар (оферталар)ни савдо ташкилотчисига тақдим этишнинг охириги муддати — оферталар очилиш куни ва соати. Таклифлар (оферталар) очилиши эълон матбуотда чоп этилгандан бошлаб камида 30 кундан кейин юқорида кўрсатилган манзилда ўтказилади.

Бош муҳаррир Аббосхон УСМОНОВ

Ўзбекистон Матбуот ва ахборот агентлигида 001-рақам билан рўйхатга олинган.  
Буюртма Г — 359. 34270 нусхада босилди,  
ҳажми — 2 табоқ, Офсет усулида босилган. Қўғоз бичими А—2

ТЕЛЕФОНЛАР:  
Газетхоналар билан алоқа ва минтақалар бўлими 133-52-55;  
Котибият 133-10-28; Эълонлар 136-09-25.

Газета IBM компьютерида терилди ва операторлар Жамшед Тоғоев ҳамда Баҳодир Файзиев томонидан саҳифаланди.  
Таҳририятда ҳажми 5 қороздан энгд материаллар қабул қилинмайди.  
Тижорат материалли

• МАНЗИЛИМИЗ: 700000, ГСП, Тошкент шаҳри, Матбуотчилар кўчаси, 32-уй.  
Навбатчи котиб — А. Орпов.  
Навбатчи муҳаррир — А. Ҳайдаров.  
Навбатчи — Б. Гофуров.  
Мусахҳах — Ш. Машраббоев.

«Шарқ» нашриёт-матбаа акциядорлик компанияси босмаҳонаси. Корхона манзили: «Буюк Турон» кўчаси, 41. ЎЗА якуни — 21.00 Топширилди — 3456

## Халқ сўзи Народное слово

МУАССИСЛАР:

Ўзбекистон Республикаси Олий Мажлиси ва Ўзбекистон Республикаси Вазиrлар Маҳкамаси

ТЕЛЕФОНЛАР:

Ўзбекистон Республикаси Олий Мажлиси ва Ўзбекистон Республикаси Вазиrлар Маҳкамаси